

佛日普照慧辯楚石禪師語錄卷第三 巍七

余學比丘曇紹編

住杭州路鳳山大報國禪寺

師於至元元年七月二十五日入寺

山門東門南門西門北門門門有路路頭在

巍七

什麼處五鳳樓前

佛殿黃金殿上釋迦老子不合向這裏局展
坐具云且禮拜蓋覆却

土地堂龍王殿赫赫厥聲濯濯厥靈前朝鳳
闕萬古龍庭雨過吳山插漢青

據室臨濟在黃檗六十拄杖如蒿枝拂相
似如今莫有恁麼衲僧麼設有更須勘過始
得

拈宣政院疏白雲出岫本自無心赤水求殊
還他網象萬般存此道一味信前緣

兩浙諸山疏真不掩偽曲不藏直落霞與孤

鶩齊飛秋水共長天一色

方外交疏一句子無彼此以我爲隱乎吾無

隱乎爾

法座這箇寶華王座常在諸人面前晝夜放

光因什麼不見山僧今日指出便乃與三世

諸佛六代祖師天下老和尚同一受用也遂
陞座拈香云此一瓣香天上天下世出世間

並屬照臨皆承恩力爇向爐中端爲祝延今
上皇帝聖躬萬歲萬歲陛下恭願乃聖乃
神乃武乃文四海咸歌有道自西自東自南
自北八方盡樂無爲次拈香云此一瓣香奉

爲皇天之下一人之上西天佛子大元帝師

大寶法王資培福慧復拈香云此一瓣香奉
爲行省大丞相行宣政院官文武寮同增

祿筭斂衣就座師云寶印當空妙重重錦縫
開不費纖毫力提掇鳳山來放行則萬象回
春把住則千峯寒色且道把住好放行好試
出來道看僧問虛空爲鼓須彌爲槌請和尚
一揮祝皇王萬壽師云天長地久進云可謂

日月光天德山河壯帝居師云多少分明進

云錢塘乃江南第一郡鳳山乃錢塘第一峯
和尚以公選住持如何報答君相師云愈令
心似鐵進云此山唐時號羅漢院黃檗下宗
徹禪師因僧問如何是祖師西來意答云骨
剉也此意如何師云我道你髑髏百襍碎進
云又問他南宗北宗他答云心爲宗宗即不
問未審喚什麼作心師云速禮三拜進云橫
擔衲粟不顧人直入千峯萬峯去師云且莫
詐明頭僧禮拜師乃云三世諸佛橫說豎說

不會道著一字六代祖師全提半提不會接
得一人雖然不接一人各各眼橫鼻直雖然
不道一字言言玉轉珠回雙放雙收同生同
死全明全暗有殺有活德山入門便棒臨濟
入門便喝睦州見僧便道現成公案資福道
隔江見刹竿便回去脚跟下好與三十棒八
十翁翁入場屋真誠不是小兒戲你若對衆
決擇分明山僧分付鉢袋子復舉白雲端和
尚示衆云若端的得一回汗出便向一莖草
上現出瓊樓玉殿若未端的得一回汗出縱

有瓊樓玉殿被一莖草蓋却師云拈却一莖
草瓊樓玉殿在什麼處到江吳地盡隔岸越

山多

當晚小叅僧問諸佛不出世祖師不西來佛
法徧天下談玄口不開既是佛法徧天下爲

什麼談玄口不開師云南斗七北斗八進云
未審此理如何師云去去西天路迢迢十萬
餘乃云人天衆前激揚此事也須是本分衲
僧始得若非本分衲僧未免遭人怪笑只如
適來禪客立箇問頭恁麼答他却理會不得

再舉一徧既是佛法徧天下爲什麼談玄口
不開聲未斷前宵兩電影還連後夜雷

省中把茶回上堂舉風穴在郢州衙內上堂
云祖師心印狀似鐵牛之機去即印住住即
印破只如不去不住印即是不印即是時有
盧波長老出問某甲有鐵牛之機請師不搭
印風穴云慣釣鯨鯢澄巨浸却嗟蛙步輾泥
沙陂併思穴喝云長老何不進語陂擬議穴
打一拂子云還記得話頭麼試舉看盧波擬
開口穴又打一拂子牧主云將知佛法與王

法一般穴云見箇什麼道理牧主云當斷不

斷反詔其亂穴便下座師云擊石火閃電光

構得構不得未免喪身失命風穴壁立千仞
坐斷盧波舌頭盧波若是箇人未到牧主檢

責纔見他道祖師心印狀似鐵牛之機呵呵
大笑若擬議拍一拍便行無端請師不搭印
倚他門戶傍他牆剛被時人喚作卽如今有
人與風穴作主我要問他心印在什麼處

中秋上堂鳳山說何似萬象說八月十五夜
月最親切八月十八日潮更直截聞不聞督

不贊嘉州大象喫蒺藜陝府鐵牛流出血

上堂佛法兩字不要拈著拈著則不堪這裏
龍蛇混雜凡聖同居若起無事心棒了趁出
院金不博金水不洗水一句作麼生道放慄
作麼

上堂千聖頂顙上點著便知萬象森羅前突
出難辨亘古亘今無縫罅蓋天蓋地絕羅籠
挽之不來推之不去擁之不聚撥之不散直
得秋光湛湛體露金風夜色澄澄涼生玉宇
高枝多宿鳥腐草足流螢即舍靈顛倒之心
見諸佛圓常之性恁麼說話笑殺衲僧衲僧

畢竟有甚長處喝一喝

冬至小叅僧問世事悠悠不如山丘臥藤蘿
下塊石枕頭未審與垂手入鄺的相去多少
師云也不較多進云豈無縉紗師云一對無
孔鐵槌就中一箇最重進云與麼則天下老
和尚總在裏許也師云因誰置得進云鼓聲
清磬是非外一箇聞人天地間師云方纔撻
彈子便要捻金剛進云明日書雲令節畢竟

書什麼雲師云那邊是什麼雲進云但願來

年蠶麥熟羅睺羅兒與一文師云一日便頭
白乃云垂萬里釣駐千里烏駢布漫天網打
衝浪錦鱗如大力魔王道我待一切衆生成
佛盡衆生界空無有衆生名字我乃發阿耨
多羅三蘋三菩提心廣額屠兒放下屠刀道

我是千佛一數早是不唧噥更向長連牀上

坐長連牀上臥眼耽瞪地殺不死羊相似萬
年一念有什麼益不如泥猪疥狗却有出離
之期明明向你道開口不在舌頭上要急相
應來日是晝雲復舉龍濟道萬法是心光諸
緣唯性曉本無迷悟人只要今日了師云既
無迷悟了箇什麼從前汗馬無人識只要重
論益代功

上堂上是天下是地耳裏聽聲鼻中出氣陁
府鐵牛吞嘉州大像則且置搜取曉波國與

新羅國關額是第幾機

上堂拈拄杖卓一下召衆云我這裏卓拄杖
你那裏聞聲爲將耳聞爲將心聞若將耳聞
耳朵兩片皮作麼生聞若將心聞心如工伎
兒意如和伎者又作麼生聞終不虛空裏聞

也若是虛空裏聞即是常聞何待這裏卓拄

杖然後聞鳳山不卓拄杖爲什麼不聞去豈

不見文殊道聲無既非滅聲有亦非生生滅
一圓離是則常真實却因後語爲蛇畫足盡
情放捨脫體無依轉向那邊更那邊亦未是

到家時節到家一句作麼生道只知事逐眼

前過不覺老從頭上來

上堂若有老僧即無闍黎若有闍黎即無老

僧闍黎自闍黎老僧自老僧喚作闍黎也得
喚作老僧也得蓦拈拄杖卓一下喝一喝

七

六

句作麼生道久立

上堂茅堂月淡竹戶風淒冰枯雪槁之時鼓
寂鐘沈之夜心心永寂石女剪於龜毛念念
攀緣木人裁於兔角不是洞山五位亦非臨
濟三玄齒牙敲磕處一字元無父母未生前
全機獨脫透頂透底亘古亘今飯是米做一

上堂徧界是通身是無一處不是無一念不
是忽然拈起拄杖子問他這是不是便見一
千箇內九百九十九箇口如匾擔相似直須
自己偷心死方信從前都不是都不是只這
是吉療舌頭三千里喝一喝

上堂見拄杖不喚作拄杖見屋不喚作屋正
是癡狂外邊走見拄杖但喚作拄杖見屋但
喚作屋又是依樣畫貓兒兩人同到山中總
與一杯茶喫要辨緇素且待別時

佛成道上堂三千大千世界日月星辰山河淮海見蟲草木有情無情拈拄杖卓一下云盡向這裏成等正覺然後鳳山不入這保社何也石頭道底

除夜小參僧問日從東上月向西沒作麼生

卷七

七

是不遷義師云柳絮隨風自西自東進云年是好年日日是好日師云瞎老婆吹火乃云未達境惟心起種種分別達境惟心已分別即不生不生法中具足世間出世間法一立一切立一破一切破一放一切放一收一切收覩體全該當陽廓示方便喚作常住法身流出無邊諸三昧海文殊普賢大人境界德山臨濟向上提持此方他方齊成佛道有說無說俱轉法輪極三際爲一時統十方爲一刹二十四氣七十二候三百六十五日只

在剎那悟之則當念圓明迷之則永沈生死復舉保寧永和尚示眾云世尊不說說迦葉不聞聞卓拄杖云水流黃葉來何處牛帶寒鴉過遠村師云青州梨鄭州棗大抵無過出處好

歲旦上堂半夜起來赴省堂焚祝焚祝了丞相府諸衙門人事人事畢即回殿堂行香撒沙呪土遶廊行道次第諸山報禮準備接官若作新年頭佛法會入地獄如箭射

進退兩班上堂虎豹文章全歸爪牙之力鯤鵬變化必藉羽翼之功法社要在人叢林自然增氣睦州佐黃檗楊岐輔慈明相與建法幢展衲僧巴鼻

元宵上堂一切月以一月爲真一切燈以一燈爲體一即一切一切即一一從什麼處起

泊合錯下註脚

諸山講主至上堂先聖道諸法不自生亦不從他生不共不無因是故說無生盡大地是胡餅任你橫咬豎咬西天那爛陀寺裏一萬來僧人人得喫只有摩訶迦羅大神不得喫

把須彌山一擗百襍碎帝釋跨跳上梵天去

卷七

八

上堂即心即佛禍不入慎家之門非心非佛

舌是斬身之斧古人的今人用今人的古人爲一犬吠虛千猱哩實鳳山今日不惜性命與你諸人抽釘拔楔去也茶

佛涅槃上堂東西南北空中鳥跡南北西東

水底魚蹤瞿曇用盡平生力直至而今歸不得

得

忽都達兒狀元入山上堂舉玉泉浩布禪因

東坡居士微服相訪浩問云尊官何姓坡云姓秤是秤天下長老的秤浩唾地云這一唾

重多少坡休去師云玉泉是作家宗匠東坡是當世大儒蘇劄相逢發揮此道盡謂東坡休去秤尾無星殊不知八兩半斤總在自家

手裏雖然如是也須扶起玉泉只如他道這一唾重多少多少人道不得直饒道得更與一唾

上堂景物舒晴湖山疊翠相將寒食共賞芳菲畫船處處笙歌花市重重錦繡風流公子

卷七

九

全彰古佛家風紅粉佳人廊示祖師巴鼻便

請拗折拄杖高挂鉢囊不用低頭思量難得上堂這裏鳴鐘擊鼓拈毬豎拂說黃道黑也

只爲你諸人那下長街短巷負兒挾女嗔拳惡罵也只爲你諸人地獄未是苦在此衣線

下不明大事却是苦此時若不究根源直待
當來問彌勒

浴佛上堂僧問護明大士未降王宮釋迦老
子在什麼處師云既上眉毛進云謝師答話
師云恰值拄杖不在師乃以拂子打一圓相
云三十二相無此相八十種好無此好跛跛

挈挈且過時人來不必重尋討喝一喝

結夏小叅僧問盡大地是箇佛身向什麼處

安居禁足師云錦上鋪花又一重進云竹密
不妨流水過山高豈礙白雲飛師云隨語生

解乃云摩竭陁國親行此令抵死要知換却
性命設使懸崖撒手自肯承當絕後再甦欺

君不得也是棺木裏瞪眼鳳山這裏無許多
事尋常只是九十日爲一夏黃陳米飯苦益
菜羹尊勝寺前疊疊青山不盡西興渡口芒

茫白浪無窮行也任你行坐也任你坐出也
任你出入也任你入卷舒自在彼此何拘却
不許埋在聲色堆頭亦不許離他聲色總不
與麼還作麼生錦衣公子貴林下道人高復
有頌云拈却東山水上行薰風殿閣生微涼

住山不費纖毫力自有人提折腳鐺

上堂一句合頭語萬劫繫驢橛靈利漢聞得
便行早遲八刻了也

同叅至上堂舉泉大道訪慈明七明云片雲橫
谷口遊人何處來泉云夜來何處火燒出古

人墳明云未在更道泉便作虎聲明便打一
坐具泉推明向禪牀上明却作虎聲泉云我
見八十餘員善知識惟師繼得臨濟宗風師
云錯下名言當時慈明爭容得這風顛漢恁
麼道更與一坐具且看他作箇什麼伎倆纔

眼目定動便連棒趕出臨濟法道未致寂寥

上堂紅塵鬧市公子家風曠野深山道人活

計一則穿花度柳一則嘯月眠雲那箇得那

箇失雲在嶺頭閒不徹水流澗底太忙生

上堂不落因果不昧因果總未脫野狐身苦

要脫野狐身更過五百生始得召衆云還肯
鳳山與麼道麼盡大地人不肯總是野狐種
族喝一喝

中夏上堂和尚子莫妄想起心動念是妄想
澄心息念是妄想成佛作祖是妄想往往將
妄想滅妄想無有了期直饒古今言教一時
明得如珠走盤敢保此人未出陰界礙膺之
物誰與消除若得消除名爲解脫其實未得
一切解脫超毗盧越釋迦大丈夫兒合到如
此點曾點肋稱楊稱鄭作什麼我未曾向六

月裏下一陣大雪與你諸人在
上堂打鐘鐘鳴打鼓鼓響三世諸佛競出頭
來六代祖師沒藏身處鐘中無鼓響鼓中無
鐘聲鐘鼓不交參句句無前後畢竟喚什麼
作句喝一喝

施主看楞嚴上堂體理得妙了了常知一種
平懷綿綿不漏著衣喫飯蓋是尋常見色聞
聲猶如聾瞽但可入佛不可入魔透得十種
禪關出得五陰區宇處處無非佛事頭頭總
是道場酒肆嫖坊了無罣礙龍宮虎穴任便
經過亦可入魔亦可入佛然後佛魔俱遣凡
聖不存不取涅槃不居生死道我大事了畢
拄杖不在苦帝柄聊與三十

上堂纔有是非紛然失心還識祖師面目麼
入新僧堂上堂舉王常侍一日訪臨濟同至

僧堂前侍云這一堂僧還看經麼濟云不看
經侍云還坐禪麼濟云不坐禪侍云既不看
經又不坐禪畢竟作箇什麼濟云總教伊成
佛作祖去侍云金屑雖貴落眼成翳濟云我

將謂你是箇俗漢師云臨濟吹毛劍什麼處
去也若也拈出有什麼王常侍在自出洞來
無敵手得饒人處且饒人

因齋羅漢上堂風生古殿月轉回廊香煙合
匝燈燭熒煌賓頭盧尊者應供四天下無一
處不到還到此間麼此間是什麼所在說到
不到合掌云三德六味施佛及僧便下座
上堂靈鷲山中量材補職曹溪路上少實多
虛不論薄地凡夫便請丹霄獨步快與快與
有麼有麼比擬張麟兔亦不遇

上堂好諸禪德桃紅李白水綠山青煙雨樓

臺市鄆車馬雲舒雲卷露出幾箇峯巒船去
船來驚散一行鷗鷺橋邊酒店柳外人家子
細觀瞻分明畫出畫出則不無如何著筆無
風荷葉動必定有魚行

上堂婆餅焦斷消息花底春禽鳴歷歷不如
歸去不如歸自是不歸歸便得喝一喝

松林施主妙蓮居士項氏捨寶蓋入山上堂
生心受施淨名早訶有法可說如來不許直
得無物可施無法可說牢籠佛祖含育聖凡
猶是半珠未爲全寶到箇裏明如果日寬若
太虛千聖不攜萬機寢削塵塵爾刹刹爾念
念爾法法爾盡十方微塵國土一時拈來著
在針鋒上却從針鋒上流出一切智光明雲
於其雲中現妙蓮華量等十方微塵國土合
爲一蓋內出百千佛異口同音而說偈言一

念普觀無量劫無去無來亦無住如是了知
三世事超諸方便成十力說是偈已即入針
鋒裏去也

上堂如來涅槃心祖師正法眼衲僧竒特事
知識解脫門總是十字街頭破草鞋拋向錢

塘江裏著歸堂

卷七

十三

解夏小參僧問如何是先照後用師云擊開
大華連天色放出黃河到海聲進云如何是
先用後照師云劍爲不平離寶匣藥因救病
出金瓶進云如何是照用同時師云定光金
地遙招手智者金陵暗點頭進云如何是照
用不同時師云三月懶遊花下路一家愁閉
雨中門僧禮拜師云更問一轉豈不好僧便
退師乃云臨濟宗風直須辨主若不辨主有
眼如盲所以道不容擬議斬全身始得名爲

王中主靈鋒寶劍常露現前擬犯鋒鋩橫屍
萬里一等擔拄杖行脚還會辨得主麼你若
辨得主見他禪牀上老漢纔開口動舌皆却
法堂著草鞋便行較有些子衲僧氣息但與
麼軟嫩嫩地無骨頭相似見人說有便著有
說無便著無十二時中全沒主宰將什麼敵
他生死消他信施埋沒自己屈辱先宗無過
此人纔方結夏又見解夏曰復一日歲復一
歲待闇老子徵飯錢遲了何不及早回頭仔
細尋思看是什麼道理觸體常于世界鼻孔

摩觸家風萬里神光頂後相直下會得轉凡
成聖只在片時其或未然換手搥胷去在復
舉外道問世尊昨日說何法尊云說定法外
道云今日說何法尊云說不定法外道云因
什麼昨日定今日不定尊云昨日定今日不

定師頌云行盡江南數十程曉風殘月入華
清朝元閣上西風急都入長楊作雨聲

徑山送寂照先師入塔回寺上堂鳳山夜來
夢見阿耨達池龍王請五百羅漢齋徑山末

後方至於是龍王問云賓頭盧尊者一日應

卷七
古

供四天下徑山因什麼來遲徑山云聽取我

四句本無生滅寧有去來河冰發燄枯木花

開道了便把井底蓬塵一撒却騎山上鯉魚

歸天台去也大眾夜來夢的是今日舉的是

同諸山撲院官回上堂舉石門聰和尚入州

看官路逢延慶長老問云中路相逢一句作

歷生道門云某甲禮拜和尚有分明日到院

茶話次慶云昨日聞學士說新石門和尚和

尚久在石門爲什麼却新去門云腦後合掌

問云來時無物去時空二路都迷且如何得

不迷去門云秤頭半斤秤尾八兩師云石門
道某甲禮拜和尚有分延慶著賊也不知要
識石門麼李靖三兄久經行陣雖然如是未
免倚勢欺人

中秋上堂一月普現一切水一切水月一月

攝盡大地是水阿那箇是月盡大地是月阿
那箇是水你若不信錢塘江裏少哩

上堂爐鞴之所多鈍鐵良醫之門足病夫不
因柳毅傳書信何緣得到洞庭湖

歲旦上堂舉香嚴云去年貧未是貧今年貧

卷五
主

始是貧去年貧有卓錐之地今年貧錐也無
真淨云去年富未是富今年富始是富去年

富惟有一領黑駢布衫今年添得一條百衲

袈裟歲朝抖擻呈禪衆實謂風流出當家師

云香嚴貧未是貧奈何猶有箇渾身真淨富

禾是富家私未免俱呈露鳳山這裏不說富
不說貧隨家豐儉沒疎親豎拂子收來兔角
長三尺放去龜毛重九斤

元宵懺會上堂僧問二祖謁初祖便云我心
未寧乞師安心初祖向他道將心來與汝安
且道是有心可安無心可安師云劄進云二
祖云覓心了不可得初祖云與汝安心竟還
端的也無師云曾經霜雪苦楊花落也驚進
云及三祖問二祖云弟子身纏風恙請師懺
罪意作麼生師云蹉過了也進云二祖云將
罪來與汝懺爲復是因風吹火爲復是入草
求人師云有甚共語處進云三祖道覓罪了
不可得二祖云與汝懺罪竟請和尚分明指
示師云朝三千暮八百進云只如二祖安心
三祖懺罪是同是別師云雪上加霜進云與

麼則前無釋迦後無彌勒也師云過這邊立
進云今晨施主禮懺設齋特請和尚陞堂未
審獲什麼福報師云速禮三拜進云路逢死
蛇莫打殺無底籃子盛將歸師云一狀領過
乃云有一人具大闡提作無間業捨戒定慧
行貪嗔癡栽蒺藜於三有田中種荆棘於一
真地上乃至謗佛毀法破和合僧能可永劫
沈淪不求諸聖解脫直待一切衆生成佛盡
乃發阿耨多羅三藐三菩提心未審此人如
何懺悔良久鑊湯爐炭吹敎滅劍樹刀山喝

七

六

使摧

上堂問侍者云三月屬什麼生者答云屬龍
師拈拄杖云忽然轟一箇霹靂山河大地百
襍碎菩提涅槃真如解脫何處有也
浴佛上堂今日如來降誕之日灌沐金軀之

時爲復是有塵灌沐爲復是無塵灌沐若道有塵灌沐與如來敵體相違若道無塵灌沐

早是塗汙了也畢竟如何可憎一盆湯

上堂俱眠豎一箇指頭雪峯輒三箇木毬石
鞏張弓架箭華亭短棹孤舟鳳山無法可說

不妨坐斷杭州就中却有箇好處好在什麼

處四五百條花柳巷二三千所管絃樓

上堂梯雖高不能達河漢鉞雖利不能到風
輪通上徹下一句作麼生道良久云確

住嘉興路本覺寺語錄

師於至正四年八月初八日入寺

山門蟄戶未開龍無龍句打破虛空全體顯

露復云步

佛殿佛者覺義覺的是誰西天移來此土萬

絲牽著須彌

七

祖堂達磨師不是祖半夜下閻浮日輪正卓
午

據室踞虎頭收虎尾第一句下明宗旨直饒
明得已是第二句若明不得更參三十年
拈宣政院疏劄輒芥投針則易轉凡成聖非

難不假他求盡在箇裏還見麼更聽知事宣

白

指法座陽春白雪唱高和寡村歌社舞到處
合得著新本覺今日相席打令去也陞座拈
香祝聖畢師云現成公案不用安排無孔鐵
槌有什麼限稍知觸淨便好商量僧問先聖
道帝王長壽天下太平此意如何師云帝王
長壽天下太平進云學人與麼問和尚因什
麼也與麼答師云好本天下同進云不是心
不是佛不是物是什麼師云破草鞋進云還

許學人露箇消息也無師云苦屈之詞不姑

難吐進云衝開碧落松千尺截斷紅塵水一

溪師云如蟲禦木乃云百尺竿頭進一步海

闊天寬萬人叢裏奪高標眼親手辨空劫已

前自己即是日用自己日用自己即是空劫

已前自己不可說不可說香水海浮幢王刹

都盧在你眉毛眼睫上普光明殿本是盧舍

那與文殊普賢觀音彌勒目連鷲子馬鳴龍

樹一一爲諸人演說心地法門了也還聞麼

繁未有工夫與你說在復舉僧問曹山諸佛

未出世時如何山云曹山不如僧云出世後

如何山云不如曹山師云大小曹山口甜心

苦或有人問壽山諸佛未出世時如何向他

道好出世後如何好與他三箇好且聽一生

叅

當晚小叅僧問天不能蓋地不能載時如何

師云看你分踈不下進云因什麼向芥子裏

出頭師云若要好大做小進云莫是 he 安身

立命處也無師云渠儂得自由乃云眼裏著

沙不得耳裏著水不得恁麼來者不向一人

眼裏著得須彌山耳裏著得大海水恁麼去

者不背一人無言處演言無事處成事無佛

處作佛無生處度生卷舒立方外乾坤縱橫

掛城中日月得失俱喪是非杳忘撥轉向上

關數瞎頂門眼極却空王殿卸下本來衣猶

未是衲僧受用處還委悉麼家無小使不成

君子復舉智者銓和尚示衆云要扣亥關須

是有節操極慷慨斬得釘截得鐵硬剝剝地

漢始得若是畏刀避箭之徒看即有分師云

大小智者用盡自己心笑破他人口壽山別無奇特朝晨熱水洗面黃昏脫襪打睡大海從魚躍長空任鳥飛

上堂日裏鬧浩浩不妨靜悄悄夜間靜悄悄不妨鬧浩浩靜的鬧的轆作一團是業識是

佛性喝一喝

庚子

九

中秋上堂天上月圓人間月半古人道赫曰猶虧半烏沉始得圓且那一半落在什麼處更深夜靜共伊商量

壞麼莫是有形有相便是無形無相麼莫是正恁麼時全明向上事麼莫是換人情識麼總不是這箇道理若與麼見解實未得安樂在行住坐臥動靜去來仔細躊躇看

上堂舉傅大士云法地若動一切不安師云壽山從朝至暮不知走了幾遭若是法地誰最動著一莖草復云我不爭恁麼道傅大士坐了起不得

上堂此事如一隻手相似開也在我合也在
我伸也在我縮也在我只是不許喚作手若

邊

上堂是柱不見柱非柱不見柱是非已去了是非裏薦取師云教裏少哩修山主有多少

奇特也只是座主見解未夢見我祖師意旨
在見露柱但喚作露柱見燈籠但喚作燈籠
不得動著動著三十棒

上堂祖禰不了殃及兒孫壽山無端走入水

牯牛隊裏牽犁拽耙與你諸人抵債還有人
卷七
相救麼若有不妨出來道看如無釣竿斫盡

重栽竹不計功程得便休

上堂言發非聲色前不物泥像手中拂子跨
跳上三十三天木魚口裏明珠吞却山河大
地諸人向什麼處安身立命不得春風花不

開

開爐上堂寒則普天普地寒熱則普天普地
熱百億世界百億日月總與這裏不別你道
西天那爛陀寺裏今日有幾人開爐
上堂召大眾云若道說的是爭奈諸法寂滅

相不可以言宣若道默的是爭奈佛法無人
說雖慧莫能了莫是說時默默時說麼向下
文長付在來曰

冬至小參拈拄杖卓一下云三九二十七菩

提涅槃真如解脫什麼處去也古人事不獲

已向你諸人道目前無法意在目前不是目
前法非耳目之所到便與麼會去早是第八

頭更若躊躇又落第九首德山到此入門便
棒臨濟到此入門便喝雪峯到此便道南山
卷七
鷲真蛇趙州到此便道庭前柏樹子雲門到

此便道手中扇子跨跳上三十三天築著帝

釋鼻孔把東海鯉魚打一棒雨似盆傾法眼
到此便道衆同契云竺土大仙心遂云無過
此語也向下中間也只是應時節說話至寃
後謹白參玄人光陰莫虛度乃云住住恩大

難酬師云設使粉骨碎身亦報此恩不得若報此恩不得總是虛度光陰只這竺土大仙心未審諸人明也未於此明得冬至一陽生於此不明更過恒河沙劫又卓一下復舉須菩提尊者因帝釋雨花問云此花從天得耶

帝釋云弗也尊者云從人得耶帝釋云弗也尊者云從何得耶帝釋舉手尊者云如是如是師云澤廣藏山理能伏豹帝釋放過須菩提尊者尋常將什麼說法也好與一拶

上堂黃帝求珠可貴可賤下和泣玉堪笑堪

悲老聃西出函關多虛不如少實孔子南游江漢遠親不如近隣潘閻倒騎驢梵志翻著襪這一隊漢生前葬鹵死後顛預德山令行並須瓦解

上堂舉雲門大師因肇法師云諸法不異者

不可續鳬截鶴夷岳盈壑然後爲無異者哉
門云長者天然長短者天然短又云是法住法位世間相常住乃拈起拄杖云不是常住法師云一家有事百家忙喝一喝下座了菴和尚赴靈巖進發上堂僧問西天二十八祖也與麼東土六祖也恁麼恁麼恁麼如何指示師云我却不恁麼進云如是則超佛越祖罩古籠今也師云也不消得進云自有
庚七
一雙窮相手不會低揖等閒人師云可惜許進云三聖道我逢人即出出即不爲人意旨壬一
如何師云頭重尾輕進云興化道我逢人即不出出即便爲人作麼生會師云惱亂春風卒未休進云只如新靈巖和尚今日進發且道與兩箇老古錐是同是別師云還識靈巖麼進云玲瓏八面自回合峭峻一方誰敢窺

師云不信道進云昔日和尚來住此山新靈巖與和尚交代今日進發不可空然師云早已龜毛長數丈進云薄批明月高高釘細切清風滿滿盤師云謝供養僧便喝師云禮拜了退乃云三聖道我逢人即出出即不爲人興化道我逢人即不出出即便爲人你看他臨濟兒孫如水銀落地相似大底大圓小底

小圓卒討他頭鼻不著新靈巖和尚權衡佛祖鎔燬聖凡爲四海禪流掃諸方露布洞庭湖上豎起金剛幢智積山中豁開正法眼畢竟憑箇什麼拈拄杖卓一下下座

上堂臭肉上蒼蠅坑廁裏蟲子還有佛法也無有則淨穢懸殊無則聖凡隔絕諸人作麼生下得一轉語慄得病僧意
上堂攬長河爲酥酪變大地作黃金供養什

卷七

二十一

麼人盡十方世界是沙門一隻眼水陸空行蜎飛蠕動著在什麼處諸佛非我道誰是竄道者父母非我親誰是竄親者國無定亂之劍家無白澤之圖晴是晴雨是雨作麼生道桑樹上著箭穀樹上汁出

上堂車不橫推理無曲斷北俱盧洲長粳米飯下座

病起上堂壽山不會說禪病起骨露皮穿判得閻羅老子一朝催討飯錢劍樹刀山未免鑊湯爐炭交煎更入驢胎馬腹不知脫離何年因什麼如此是他家常茶飯

除夜小參僧問臨濟大師道第一句中薦得與佛祖爲師第二句中薦得與人天爲師第三句中薦得自救不了如何是第一句師云咄進云如何是第二句師云墮進云如何是

第三句師云去僧禮拜乃云古風大好初無
佛祖禪道隨緣放曠任性逍遙當恁麼時不
可道你強我弱也見直言見不見直言不見

知直言知不知直言不知東西南北陰陽寒

暑高低貴賤是非人我那裏得許多消息來
纔分四聖六凡便見七差八錯有佛有祖有
禪有道掀翻海岳抖亂乾坤縱使德山棒如

雨點打他不住臨濟喝似雷奔禁他不得壽
山這裏只有一口劍佛之與魔總與一刀兩
段貴圖天下太平汝等諸人但管饑來展鉢

困來合眼復有何事臘月三十日也只是尋

常不起纖毫修學心無相光中常自在喝一

喝復舉僧問九峯虔和尚祖祖相傳傳箇什

麼峯云釋迦慳迦葉富僧云畢竟傳的事作

麼生峯云同歲老人分夜燈師頌云同歲老

人分夜燈這頭點著那頭明從來不借他人
口切忌如何作麼生

佛曰普照慧辯楚石禪師語錄卷第三

音釋

搓 倉何切 音 錄 奴刀切 音 禪 公渾切 音 昆
蹉 搓 拶 也 錄 緣 极 禪 衣 一 作 禪

鍊 此追切 消平 溝 惠墮切 音 間 倭堂切 音
鍊 韻 也 鍊 同 溝 潤水名 間 卽高門